



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA**

**T.R.N.: 1011010000430716 - Privredna banka Sarajevo**

**ID: 4200201050000; P.B.: 01078773**

---

## **IZVJEŠTAJ O RADU**

### **Udruženja inženjera i tehničara šumarstva Federacije Bosne i Hercegovine UŠIT FBiH za 2008. godinu**

Planom rada UŠIT-a za 2008. godinu predviđeno je da se provede niz aktivnosti u cilju poboljšanja rada udruženja, ali i predstavljanja, popularizacije i popravljanja imiđa šumarskih stručnjaka i šumarstva u društvu. Planirane aktivnosti nisu u potpunosti realizovane pa se postavlja pitanje da li je plan bio ambiciozan, da li su se zaduženi članovi dovoljno angažovali ili nešto treće.

Da vidimo kako su realizovane planirane i ostale aktivnosti:

### **Organizacija i finansiranje**

Ponovo se, u skladu sa ranijim zaključkom Skupština UŠIT-a organizuje povodom svjetskog dana šuma 21. marta, ovog puta u saradnji sa JP „Šume Tuzlanskog kantona“ i organizovana je prigodna svečanost. Treba nastaviti ovu tradiciju mjenjejući lokaciju svake godine.

Iako su planirane aktivnosti na formiranju podružnica u kantonalnim preduzećima, ministarstvima i upravama, Šumarskom fakultetu u Sarajevu, srednjim šumarskim školama i firmama koje se bave djelatnostima vezanim za šumarstvo u toku 2008. godine nije ništa urađeno. Potrebno je razmisliti da li je ova inicijativa opravdana i utvrditi metode na koji način obezbjediti veće učešće članova u radu UŠIT-a.

Osnovni izvori finansiranja su i dalje prihodi od ŠPD/ŠGD, a mali procenat se odnosi na ostale prihode. U 2008. godini kandidovana su dva projekta prema budžetu Federacije i budžetu Kantona Sarajevo. Od Kantona Sarajevo je dobivena podrška za jedan projekat, a oba projekta su prošla komisiju Federalnog ministarstva, ali zbog nedostatka finansijskih sredstava Odluke o dodjeli sredstava još nisu realizovane. Projekti kojima je konkurisano su „Iso standardi u šumarstvu“ i prijevod knjige: „Lovstvo u BiH“.

Aktivnosti u Savjetu šumarskih udruženja Bosne i Hercegovine (SŠU BiH) su u određenom zastoju i nadamo se da će se ubrzo nastaviti na svim projektima za koje je postignut koncenzus.

Održana vanredna sjednica Predsjedništva na temu rješavanje statusa JP Bosanskohercegovačke šume. Doneseni su značajni Zaključci i dostavljeni relevantnim državnim institucijama i resornom ministarstvu, ali do sada nismo dobili povratnu informaciju.

Održano je 7. sjednica Predsjedništva UŠIT-a na kojima su rješavana tekuća pitanja ali i niz drugih tema koje su u većem dijelu predstavljene u ovom izvještaju.

Uzeto je aktivno učešće na organizaovanju i u radu Savjeta direktora kantonalnih šumsko-privrednih društava na kojima su razmatrane aktuelne teme vezane za oblast šumarstva.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

Još nisu donijeti svi poslovnici i procedure rada organa Udruženja i ovo ostaje zadatak izabranih članova organa.

Još se nisu stekli uslovi za formiranje Ministarstva šumarstva na državnom nivou i ovaj zadatak ostaje trajno za naredni period.

Obzirom da je slijedeća godina izborna, kroz izmjene Statuta, promovisanjem delegatskog principa i članstva u UŠIT-u, na bazi broja članova podružnica će se definisati zastupljenost u organima udruženja.

## **Izdavačka djelatnost**

Iako je planirano štampanje četiri broja, štampan je jedan dvobroj časopisa „Naše šume“, a osnovni razlog je nedostatak tekstova. Očekuje se veće angažovanje šumarskih i drugih stručnjaka kao saradnika. Ukoliko ne budemo izdavali bar dva broja godišnje u pitanje dolazi održavanje referentnosti lista u Bosni i Hercegovini, a što je daleko značajnije obezbjeđenje njegove referentnosti u Europi i Svijetu. Održana je promocija časopisa na Šumarskom fakultetu Sarajevo kada je izvršen i izbor novih članova Savjeta lista koji je za predsjednika izabrao g-dina Ahmeta Sejdića.

Urađen je prijevod knjige sa Njemačkog jezika „Lovstvo u BiH“, prikupljena su značajna sredstva u pretplati i uskoro će se pristupiti njenoj štampi i distribuciji.

Izdata je prigodna brošura povodom organizovanja okruglog stola na temu „Zaštićena područja prirode u šumama FBiH“. Obzirom da je štampan mali broj primjeraka trenutno ne raspolažemo primjercima koje bi distribuirali po zahtjevima članstva.

Planirani projekat „Iz prakse za praksu“ u cilju boljeg rada na gospodarenju šumama koji je predviđao izradu i distribuciju prigodne publikacije različitih uputstava, priručnika, savjeta i drugo, nije zaživio i kao ideja ostaje za naredni period.

Pripremljeni su novi motivi poštanskih maraka, koji će biti dostavljeni u BH poštu.

Pokrenuta je web stranica Udruženja i forum na istoj, na kojem kolege mogu učestvovati u raspravi na ponuđenim temama. Za godinu dana od aktiviranja web stranice zabilježeno je oko 10.000 posjeta na istoj. Potrebno je veće angažovanje kolega sa informacijama iz preduzeća, kako bi web stranica bila redovno ažurirana i sadržavala aktuelna dešavanja u šumarstvu.

Obzirom da još nije odobren budžet za izgradnju i uređenje muzeja šumarstva na novoj lokaciji „Bijambare“ rađeno je na prikupljanju građe i održavanju postavke u Fojnici. KŠPD Šume Srednjobosanskog kantona su izrazile želju da otvore jednu muzejsku postavku u novoj zgradi u Donjem Vakufu.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

## **Stručni radovi, obrazovanje, seminari i savjetovanja**

Na osnovu zaključaka Skupštine oformljen je inicijativni odbor i pokrenute aktivnosti oko obnove Šumarskog obrazovnog centra na Ilidži, predsjedništvo je imenovalo Redžepa Salića za predsjednika inicijativnog odbora. Obavljeni su razgovori sa Ministrom obrazovanja Kantona Sarajevo i sa načelnikom općine Ilidža. Dobijena je puna podrška i aktivnosti se nastavljaju uz vodeću ulogu Šumarskog fakulteta u Sarajevu i aktivnu ulogu inicijativnog odbora UŠIT-a i svih šumara.

Uz suorganizaciju JP „Šume Tuzlanskog kantona“ i JP „Sarajevo šume“ u Tuzli je organizovan vrlo posječen okrugli sto na temu „Zaštićena područja prirode u šumama FBiH“ i izdata prigodna brošura.

U saradnji sa SNV-om, holandskom razvojnom organizacijom, regionalni ured Sarajevo, organizovana je prezentacija na temu: „Doprinos pripremi sektora šumarstva, za korišćenje predpristupnih fondova EU“.

UŠIT je dao značajan doprinos u kreiranju, javnim raspravama i ostalim aktivnostima općini Travnik kod proglašenja izvorišta rijeke Ugar šumom posebne namjene u skladu sa odredbama Zakona o šumama .

Na poziv Udruženja inženjera i tehničara Republike Srbije, članovi UŠIT-a učestvovali na seminaru: „Gazdovanje šumama Zlatara-Srbija“, na kojem su predstavili naše dostignuća u šumarskoj praksi i rad udruženja.

Razmatrajući inicijativu članova UŠIT-a upućen prijedlog resornom ministarstvu i ministarstvu finansija za izmjenu naziva obrasca „Obračun naknada za eksploataciju šuma i ostalih prihoda“ koji se odnosi na uplate doprinosa za korišćenje općekorisnih funkcija šuma, te da se naziv definiše u smislu „Obračun naknada za gospodarenje šumama i ostalih prihoda“.

U saradnji sa Federalnom privrednom komorom – grupacija šumarstva i drvne industrije organizovana je javna rasprava na temu: „Nacrt Zakona o izmjenama i dopunama Zakona o šumama“. Doneseni su značajni Zaključci i dostavljeni Federalnom ministarstvu.

Komisija za Zakon o šumama predsjedništva, aktivno se uključila u aktivnosti oko izrade novog teksta Zakona o šumama i dala vrlo konkretne stručne primjedbe i prijedloge za unapređenje ponuđenog teksta. Midhat Ahmetović kao član komisije je delegiran ispred UŠIT-a za člana radnog tijela ministarstva za izradu zakona.

Članovi UŠIT-a su uzeli značajno učešće na nizu manifestacija:

- Konferenciji: „Razumjeti EU; Izazovi za lokalnu vlast“;
- Radionicama: „Gender Mainstreaming-a u Banja Luci u saradnji sa SNV-om“;
- 10. međunarodni IUFRO simpozij;



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF THE FORESTRY ENGINEERS AND TECHNICIANS FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

- Promociji znanstveno popularne monografije: „Krš bez granica“;
- Manifestaciji: „Obilježavanje evropske sedmice šuma u SBK-a“;
- 6. Simpozij poljoprivrede, veterinarstva, šumarstva i biotehnologije samedunarodnim učešćem;
- Međunarodnoj naučnoj konferenciji „Šumarska nauka između ekonomije i društvenih potreba“;
- Svečanoj promociji: „60 godina od osnivanja Šumarskog fakulteta u Sarajevu“;
- Redovnoj godišnjoj Konferenciji klastera drvoprerade i šumarstva“;
- Prezentaciji predavljanja 50. Internacionalnog Klagenfurt sajma;
- Prezentacija studije šumsko-gospodarskih osnova za privatne šume općina na području Kantona Sarajevo;

## **Studijska putovanja, ekskurzije, manifestacije**

U toku 2008, godine predstavnici UŠIT-a zajedno sa druga dva udruženja uzeli su aktivno učešće na 40 EFNS-u, Oberwiesenthal - Njemačka.

Članovi UŠIT-a su imali značajno učešće na 10. Internacionalnom sajmu šumarstva i lovstva „Silvaregina“, Brno – Češka Republika.

Značajan dio aktivnosti Predsjedništva UŠIT-a u saradnji sa domaćinom JP „Unsko-Sanske šume“ i općinom Sanski Most bio je usmjeren na organizaciju „Prve Šumarijade FBiH“ u Sanskom Mostu. UŠIT je pored niza aktivnosti preuzeo nabavku opreme i ostale troškovi šumarijade, ali troškovi nisu u potpunosti izmireni prema UŠIT-u, a samim tim i organizatoru od strane ŠPD-a.

Konačno su ostvareni kontakti sa relevantnim predstavnicima Republike Turske u Bosni i Hercegovini TIKA-om (Turkish International Cooperation and Development Agency) i dogovorena posjeta Turskoj za 30 kolega. Odlazak planiran u tri grupe od po 10 kolega za 2009. god.

U saradnji sa Hrvatskim šumarskim društvom i UŠIT-om Republike Srpske bili smo, prema riječima uvaženih kolega, uspješni domaćini kolegama iz HŠD-a Hrvatske, ogranak Dalmacija i kolegama iz Mađarske uz poziv za uzvratnu posjetu.

Sekretar

*Azer Jamačković*

Predsjednik Predsjedništva

*Omer Pašalić, dipl.ing.šum.*